

erriko jaietan

A. Marzel, c. p.

Egunak joan eta etorri,
ezta poztasun makala!
gor-itsuak be igarten dabe
erriko jaiak dirala.
Dinbi-dambala
emon jo-ala;
amuzoak jakin daiala.
Kampai ta naste zabalduen da
oillo garaxi itzala.

Etzeko-andia errukarriak
gau osoa erdi lotan,
estu ta larri ames egiñik
zer zelan jarriko dotan.
Sarri askotan
Meza bakotan
ainbeste dira auzotan.
Eta doazan geienak dagoz
lo-zurrungaka sermotan.

gizon morrosko jente guztia
Meza nagusira doia,
ezta erreza ezagutzea
zein dan jaun ta zein morroia.
Ortik orroia
andik sermoia,
mar-mar korupe ta goia;
ikusten denez, beti daukie
euren alde errazoia.

Meza-ondoren apusturen bat
beti ezpada bai sarri,
daukezan diru eta geiago
jokatzon dautsez alkarri.
Estu ta larri
iso ta arri,
zein dan asto nok igarri?
Tranpa ta tongo nuiko eginda
guztiak dira egarri.

Gizon ta mutil asiko jatzuz
kalerik kale errondan,
barritsu dabiz agurak eta
guztiak zantzo ta kantant.
Alkarren txandan
jan eta edan;
beti etxerako plantan.
Koru orretan ezinda inor
aspertu sekula santan...

Alako baten etxeratuta
apatx, jarleku nasaiian,
ordu bietan jaten asita
seiterdietan be maiian.
Erriko jaiian
ba da zer-naian;
ainbat sartzen da sabaian;
Batek nun diñon; Ordua da-ta,
apaldu daigun jarraian.

Etxean diran janak janda be,
dama geiago jan ezak,
sati bateko ustu-aldia
artu dan orko artezak.
Gero amesak
berba errezak,
ezkontzarako promesak;
or doiaz praka bako kuku ta
kuku-prakadun markesak.

Zelan edo nok barruan euki
geldi aibat gasoliña?
Ixildu barik dauke barruan
plazara deika sorgiña.
Eup! Txakoliña!
jo tanboliña;
Ori dabil porpoliña...
Ai, gizontxua, biar goizean
joko dok ik biboliña!

Gaba ezkeru, plaza tabernan
egiten daben girua!
Antxen entzungo dabe goizeko
txorien txirulirua.
Bota dirua,
edo tirua...
nok egin erretirua?
Egun bi barru dator etxera
jokuko zorren jirua.

Zarrak tabernan, gaztiak plazan
inortxo ezin da kantza,
guarda zibillak ikaratuta
asi dira etzerantza.
Onek arrantza,
arek balantza;
sekulako asto-dantza...
Santuak bedeinkatu daijala
arrapau daben buzkantza.

Amaikak jota oian etzunda
ezin jaso betazalak,
tripa ta buru galduta dagoz
oneik dira karnabalak.
Orroika txalak
gosez tripalak;
asarre andra zitalak.
baila, diñonez, ez dira izan
murtengo jaiak makalak!

Orra zetara datozen sarri
gure erriko jai-egunak,
olan goraltzen al doguz emen
gure Zaindari kutunak?
Guraso jaunak,
ta ardura-kunak,
baserri gazte lagunak:
erriko jaiak garbitzen ekin,
gu bai gara Euskaldunak!

Zeru goietan bizi zarian
gure Zaindari maitia,
zeure aurrian auspez gagoz ta
gugaz erruki zaitia!
Emon bakia
jan-edatia,
gero zabaldu atia;
au amaituta merezi daigun
zeure ondora joatia.